

emily

幼教今昔展 見木滑梯舊證書



遊樂場又點少得滑梯？現時滑梯多以塑膠製造，又短又矮唔好玩，圖中嘅舊式滑梯以實木製造，Emily 嘅同事一睇到即話童年回憶返晒嚟。（曾憲宗攝）

「有擇食嗎？」、「有午睡嗎？」……呢啲都係N年前一本幼稚園手冊內「學生考勤記錄」列出嘅問題，咁究竟本港半個世紀前嘅幼稚園係咩模樣嘅呢？教育大學香港教育博物館為期一年嘅「香港幼兒教育今昔」展覽，展出多件1950、60年代幼稚園物品，包括木製滑梯、成績表、玩具等，讓公眾一窺或回味當年嘅學生生活面貌。Emily 睇到一個懷舊膠水壺，即時覺得好鬼有feel！

有互動遊戲 可自製成績表


展覽分兩個部分，第一部分以兒歌、故事、茶點、學習等為主題；第二部分聚焦幼兒教育發展同幼師培訓。展品包括木製滑梯、蹺蹺板、幼稚園成績表同畢業證書、玩具、教科書、兒歌集，見證香港幼稚園發展嘅珍貴照片等等。公



幾十年前，老師用搖鈴（左）提示學生時間。圖右係教師聘書，發出聘書嘅蘇浙小學創校於1953年，至今仍有提供幼稚園課程。聘書顯示1958年任職幼稚園嘅丁毓珠，月薪210元。（曾憲宗攝）

眾仲可以欣賞著名兒歌填詞人鄭國江嘅經典兒歌，現場亦設有互動遊戲，公眾可以為自己製作幼稚園成績表。

本港幼兒教育嘅1970年代起急速發展，3至5歲幼童入學比率由1971年55%增加至1981年嘅83%。其實早於1950、60年代，香港已經有幼稚園，但



有擇食嗎？
早睡早起嗎？
對人有禮貌嗎？
與人和睦嗎？

手冊及幼童清潔程度記錄表，清潔表除咗有清潔評級，仲有「有擇食嗎？」、「有說謊嗎？」等欄目，以顯示同學仔各項表現。（曾憲宗攝）



呢張中華基督教會上水堂幼稚園嘅上課證，寫住1957年度，好有紀念價值。（曾憲宗攝）

呢款水壺風靡1960、70年代，價錢相宜又輕身，仲有條帶可以斜揸，可謂幼稚園生必備。（曾憲宗攝）



主要由志願團體同私人企業管理，直至1981年，政府先提出較完整嘅幼兒教育發展建議。想了解更多本港幼兒教育發展，可即日起至出年10月31號，星期一至日上晝10點到下晝5點（公眾假期休館），到教大大埔校園D1座平台香港教育博物館欣賞展覽。